

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷八十五

卷 卷八十五
內容分類 集 總集 各代 明
索書號 大木 集部 總集類 30
編號 D7861500

彩色首頁1

[東洋文化研究所漢籍目錄 編號: D7861500](#)
[東洋文化研究所漢籍目錄所藏漢籍善本文影像資料庫 索書號: 大木 集部 總集類 30](#)
[漢籍善本文影像資料庫文本 皇明文衡一百卷 正德五年序刊本](#)
版權所有: [東京大學 東洋文化研究所](#)
[使用上的注意事項](#)



皇明文衡卷之一

代言檄




翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

宋濂

自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技





皇明文衡卷之八十五

墓誌銘

國子祭酒宋公墓誌

劉三吾

國子祭酒宋先生卒既往哭弔居數日博士吳守德持學正
 朱惟嘉所狀先生行實來曰先生嗣子麟疾在苦次不得跣
 以請茲將歸窆滑之永寧阡惟翰林兄長吾于先生為同舍
 故懇銘焉尚憶走始來時會先生于春坊先生曰得毋與錙
 長吾為冑弟耶不然何面貌之相似也相與感歎久之嗚呼
 先兄以後至元丙子入監周旋十有五年中間纔兩歸江南
 爾在監舍法以同時為冑弟以冑弟相知為世契則走于先
 生忍銘忍不銘按狀先生姓宋氏諱訥字仲敏世本衛之山
 陽人後徙滑家焉兩世繇貤恩贈嘉議大夫禮部尚書上卿

車都尉追封京兆侯諱德仁其曾祖贈中奉大夫河北江南等處行中書省叅知政事護軍追封京兆郡公諱宣其祖官中奉大夫陝西諸道行御史臺侍御史贈推誠秉義守正功臣通奉大夫江淞等處行中書省叅知政事護軍追封魏郡公諱忠肅諱崇祿其父忠肅在元時敷歷中外四十餘年五持憲節逮事七朝豐功盛德所以壽後衍慶神道碑紀之悉矣先生濡染家教動以矩矱雅性遲重不妄言笑齒貴胃館以來所師宗工碩儒月開日益卓然有成擢科登仕為時聞人中經繹騷乃被褐懷寶以自韜晦

皇明受祚徵詣公車 召見次有言動聽洪武之十三年也是冬除國子助教橫經發難擊節廓塞學者如客得歸嘗同諸儒應制撰教文畀僧道錄司領教事者十有六通操筆立

成雅稱

上意超授翰林學士奉議大夫俄陞文淵閣大學士日見親信有所補拾曾見大學成中外歲貢學徒日夥而職大司成者往往巽悞師生相訐教尼不行 宸衷簡注擢為祭酒陞朝列大夫以釐正前弊

上自製誥詞至以尚父興周八百誕之感惟 眷遇所以提挈錘礪不遺餘力師道既立

皇志載寧乙丑戊辰兩科得士大率三天下之二而龍頭魁選恒在太學大被賞遇一日有疾

上遣中使致諭其畧曰卿稟天命之性發仲尼之誠施已之幽德脩道教人所以病不病而速差以其有神也

天章下賁光輝儒紳恒謂祭酒骨格必壽適有畫工至

命繪其像肖焉喜溢

天表然終老之以其子麟主望江簿持

勅召之還俾便侍養其被遇優渥類此方倚之以棟梁我道楷式諸生也不謂得疾旬日遽不可起病也尚醫來治卒也遣官致祭其文悉

上所自製故事文臣四品無給喪費者曠典之舉昉自先生斯皆異數也居嘗寢食恒在廂房未始一宿于家及是疾革麟等託諸監官懇請其還厲聲曰是何風雲氣少兒女情多况在丁社兩祭齋戒中耶至是祭畢乃就昇歸一不口及家事及家氣絕焉二月之三日昏暮時也嗚呼先生以八袞之年當易簣之際而風雲為氣不少衰丁社兩祀始終齋戒是待非其平日操存有素詎能方寸不乱若此哉可謂真大丈夫

夫矣最其平生所稟集先世碑銘傳紀曰紀德錄二集所自著述曰西隱集文十七卷既號西隱復別號所居別業曰白雲茅屋自法書名畫外他無所嗜好中朝名鉅詩若文讀一二過輒能記憶不減少時今皆已矣生以元至大辛亥十二月四日卒以今洪武二十三年春壽八十配康氏先卒子三人長衍祖卽麟擢進士第拜監察御史出主望江簿次復祖鄉邑訓導次安祖女一人在室孫男三恕慧懋女孫四所適其人長郭謹次陳惟新次李均一在室曾孫男女各二皆幼臨發柩時

上再遣祭舟車之費一出于官可謂主祭死哀也已銘曰

銅臺世家忠肅公挺生賢嗣遭時雍身逢

堯舜接夔龍代言文淵掌辟靡感惟

皇上倚注隆率先條約自其躬夙雲氣槩冰霜容教行六館
諸生從金石文章錦綉曾蔚為海內諸儒宗譽髦多士振文
風棟梁我道伊誰功夫何一疾遽告終

至尊為之惻 淵衷 命醫與祭 恩禮豐年登八表數始
窮歸窆祖塋得幽宮銘阡者誰青藜翁子孫世世其吉逢

王紹汶墓誌銘

劉夏

洪武二年七月余受 命尚書來河南陝西兩省訪求前元
庚申皇帝天下州縣三十六年入史事跡其在河南置局武
成廟之側浙東士大夫王應璧見訪為言其先祖紹汶字思
齊生當宋末元初之際貌奇古美髭髯聲音琅然聞于堂室
家小嶼溪水環其屋壁門前松枝壓逕梅竹綠坡 雜詩蘭
翻風至則左右紛披有名帖千卷書萬卷峩冠太袖口課倍

讀五經又立方通百氏之書下筆千餘言立就及聞里中有大
役則奮袂而興或造公府不避是非利害必俟眾議歸於公
正乃已臨終力疾書曰利人之事可周旋處雖獨力亦當自
為害人之事於戲謔中雖一念不可妄發又書曰曉夜讀書
閑暇治家皆令刻板以垂示于孫娶陳氏子師古與泰女三
皆嫁士人孫三公培應璧公恕享年八十有六余聞應璧之
言矍然而嘆曰斯人也是乃蓄德君子宜有後者也富貴功
名既不在其人之身則在其子與孫矣徐考之應璧其子名
師古者有猷為有執守文學議論幾冠儒林然不肯仕其孫
名應璧者十八歲游幽京歷仕至黃州總管推恩封贈紹汶
中順大夫江浙等處行中書省理問官上騎都尉追封天台
郡伯嗚呼為善無不報要於久而後信觀王氏祖子孫三代

豈不固然與銘曰

炎炎者勢翁翁者利閭閻崛起朝躋夕替所以古之公族大夫必尚論其世也

許士脩墓銘

方希古

天台方孝孺有篤志尚德之友曰許君繼字士脩言必出乎正動必由乎禮趨舍取予咸則千古之君子而無所苟其精思力學以求道德性命之蘊汲汲若或失之而有得乎心沛然以樂不以貧賤患難惑其志余取友二十年所交海內知名之士甚衆考其所存莫有類吾士脩者蓋其操志勇自守介所期者遠而務踐乎事所造者深而其心歐焉如未有得使假以壽年其所志當卓絕過人而年僅三十有七而卒烏呼此豈特斯人之不幸耶士脩之先亦人其六世祖景元宋

高宗時爲台州教授以遂家焉後徙寧海爲寧海人高祖文正曾祖彬祖光父琳比日業儒而不仕士脩管高明自爲兒童已有成人之志以學自勉喜爲詩其高妙處有魏晉人格韻別自號觀樂生其詩多道其所樂言暢而旨深非近世人之所及也或傳其觀樂九詩至京師翰林學士金華宋公見而嘆賞之以爲不愧古人凡一時名能詩者皆自謂弗及而士脩不自足益刻意經學玩心天人究曠探微將大索六藝之緒反之於約以成身致用而病作矣既病咯咯然嘔血而學不止病凡三年每見心覺其進瀕死精神不亂與人言死生晝夜耳奚足怪談笑而逝嗚呼士脩之於斯道非篤信不惑其能然耶初士脩學於鄉先生王君蘊德王君奇之妻以女弟生一子曰籀二女曰忠曰惠王君固名士其弟琦尤與

士脩相好士脩以洪武十七年正月二十六日卒琦述其行
為書託予銘予謝曰子兄弟與士脩善銘莫宜焉奚予之求
後五年王君仕藩邸死琦亦謫去士脩弟顯將以其年月日
葬其山來速銘於是士脩之親友盡矣予尚誰辭銘曰
學失其統鶩于空言飭外以欺幾忘本源嗚呼士脩志篤行
邵惟正之趨非義弗蹈暨暨其守汲汲其求棄遺芬華獨與
道謀業雖不終世罕厥似我庸闡微以勗髦士

皇明故通奉大夫晉相府右傅桂公墓誌銘并序

王景

洪武二十年十二月某甲子晉相府右傅桂公卒享年六十
又七明年正月某甲子葬于董輿之原循先志也又明年其
子慎奉其友韓宜可狀來請銘不獲辭公諱惠稱字彥良以

字行從幼不群聞長老道經訓則嗜若醇酎既冠通經史百
家言慶秋闈中之不得志于南宮歸長包山再長高節皆有
文名除平江路文學掾不就戚孤不茲搥俚荒蕪公以去籍
橫鶩大肆伸儒過暴方氏連甌越來辟立謝之聚徒山中嚶
齊道真雋永聖涯曰吾以待天下之定也

皇明天造反剗剗偽一歸于正洪武紀元觀風者必名上省
憲文辟不起六年太徵天下士行省復以名聞辨詔公車厠
于數十之列唯公得以白衣錫宴除

皇太子正字授承事郎侍講六年顯仁闈義出周入孔與表
治忽敷啓剗切

東宮深器之會文華堂給事不飭勅公啓適曰昔許曾齋諸
生多為宰輔卿其勉之及侍宴以

御製勅訂正以聞詔以治道公曰道在心心不正則好惡頗
好惡頗則賞罰差賞罰差則太平未有期也是以君人將忿
欲是務去明年日南至有事于圓丘以祝文譴主者公曰予
小子履湯用于郊我將我享武歌于廟以古率今未足深譴
上咲曰卿動援經史屢聞獻替稱善久之嘗有以墨敗官者
賜死公力諫如律不聽公但曰三尺法當與天下守之
上頷之滋欲試以事以三府疑獄命之獄以情原者若干人
翰林以失議見呵公奏當取長畧短

上曰不然吾因其長而拔其短以造其全時方以法繩下訪
曰法數行而數犯奈何對曰用德則佚用法則勞勞以靖民
則民勞而弗靖德以靖民則民靖于德矣他日與林温同侍
上曰卿何官曰正字

上曰卿帝者師也其姓

上所屬類如此十一年除晉相府右傅授通奉大夫內出勅
文以孔孟期之在官青重望尊治出聲生府告無事

王益重之政多決焉公謂王者一正心而國定因進心圖以
明之十三年革相府改長史授奉政大夫以疾謝 詔許之

十五年朝 京師上太平十二策奏報十八年 勅歸鄉里

五世祖萬榮宋寶章閣學士知常德府高祖某宋宣議郎曾
祖康老宋富陽知縣祖俊卿贈嘉議大夫浙江鹽運使父與
紹贈中奉大夫浙江叅政初公元中書右丞葉文簡公之孫
判慶元府同之子也生而室有火光輝如流星以為不祥出
之叅政公子之娶岑氏早世三男子曰抗曰智皆大再娶于
陳封夫人至孝持身治家內外井井不以貧及不以貴驕先

公卒享壽五十又七與公同墳異藏生慎及全慎往爲中書舍人公平生純一見道處官若家尤不以貧富動心仕止進退不亟不紆坦坦施施及與人交命觴詠詩踔厲風出窮日夕不厭人以春風和氣日之其著作有和陶集春和集清溪集知足集凡若干卷嗚呼甚矣儒道之有裨于世也身用之則榮家國用則寧天下用以平公自結髮戰藝以功名終將何脩而致是哉亦唯道而已矣嗟乎道之爲用閔矣銘曰不詘而伸其道允藏不櫟而文其德不爽天球在序金奏在宮聿諧其施以裸匪躬旣燁其英亦頌其聲有閱其羸繫後之成

戶部尚書郁公墓誌銘

解縉

永樂二年八月五日戶部尚書郁公薨于位

上遣官祭以文命工曹具襯輟朝一日顧翰林學士臣縉歎息稱其才嗚呼公之哀榮始終固可美 國家所以待臣庶 恩禮之厚尤足以激勸於當世公之子孫豈不求有庇賴歟於是其子彬衰麻踵門泣而致公之治命請予銘其墓噫公與予交二十年未嘗爾汝褻狎亦未嘗挾長殺敬禮予三人者亦自信爲誠實洪武二十二年予侍講 華蓋殿中公始受命爲戶部度支主事場名新明年改戶部司屬二十三年陞北平部郎中二十四年六月超授嘉議大夫戶部右侍郎考滿

上於庭中稱譽擢尚書授資善大夫十三年于茲矣非才而能之乎抑公之盛福其祖考以來積累之慶非偶然而致也公家素饒財慷慨豪舉不爲齷齪喜賓客樂於賑窮之不爲

德色洪武中奏事庭中被頤問天下戶口漕運地里險易計數時日應機響答無遺謬自謂劉晏以下不論也晚歲多疾乃時在告

上甚憐之公亦時自語予吾覺衰老恐旦夕先朝露不能報國恩吾平生無卓異惟君知也幸與之銘其墓紀其榮遇而已嗚呼公非可謂達歟公蘇人也曾祖仲和祖瑜父德字銘本公以至正丙戌正月十四生於吳縣洪武元年祖父遷居鳳陽臨淮縣公隨而家焉公娶嚴氏綜理家政嚴而有緒彬字孟父亦克孝敬公嘗屬之予曰他日視之曰余故人之子即此子之榮也公墓在臨淮古城之原銘曰

古大司徒職惇典禮馴擾兆民豈惟會計惟公奮身亦以豈弟恂恂休休辭祿之器歷官十年先榮後光肯曰其才有德

千天豈無人謀不如盛福崇崇其阡臨淮之麓

故元同知邵武路蕭公墓誌銘

元之季世天下四分五裂其間盜名字者無慮千百計獨閩之陳友定起徒步至列將相百戰守死為元東南烈士未能或之先也當是時吾鄉豪傑之士多從之崎嶇嶺海至死不怨而朝廷音問實籍以通先祖太史公真烈死節事聞贈官先君子亦宣授資德大夫三知政事詔使來自海上友定遣江君伯昂與俱來且說熊天瑞于贛伯昂與先公少相善也為其言友定意先公感激因邀里中士蕭君克欽輩數人俱至贛說天瑞猶豫先公以太夫人老病不得行伯昂云報命克欽南逾嶺表間入閩微觀之崎嶇兩淞出金陵轉入巴蜀還寓長沙歷湘潭以歸與先公謀曰吾觀群豪智略下獨友

定忠義殆可倚也乃復之閩友定承制授亮欽奉議大夫同知邵武路叅其軍事友定用法嚴往往致濫輒爲營解全活甚衆當行兵擊賊入建陽山谷間卒遇千餘人圍之數重執長刀躍馬奮擊賊首兩人直前來刺將及忽大呼辟易其衆曰且止且止此吾父蕭公也使語之二人跪曰我嘗見獲於君賴公救之得生今雖衆寡不敵我終不敢背德布陣稍却羅拜雲集行建寧光澤道中有七人者執兵而前跪曰生我者公也每思無以爲報今幸道經我里敢以白金百兩爲從者獻蕭君不識也其人各言姓名及所以營解其生之狀君慰喻却其獻而去洪武元年戊申隨友定至京友定死君以親老辭不仕歸田里年財四十二事親以孝聞讀書教子自娛祈寒威暑手不釋卷親戚子弟從學多所造訖洪武戊

寅六月二日終于家享年七十二於歲一謂全名福矣君生

元泰定丁卯歲餘親母王氏卒繼母王氏鞠之愛之逾已出

岐嶷不凡幾冠從受書於安成羅先生學成教授其鄉卓然

以不隊其家爲念而所以去就卒如此可謂難也矣余聞之

先公常欲爲之傳其事今子翰林檢討引高與余同修

太祖高皇帝實錄見友定之事而歎蕭君之不可作也引高

亦感風奉狀請銘余不敢辭也按狀君諱寅亮欽其字所爲

文章曰舫中集晚自謂舫中叟學者稱秋舫先生系出齋

鄱陽慶居山東濟寧有諱忠國者事宋高宗爲吉州出防禦

使子文婿吉水城西章氏子孫遂爲吉水人高祖與簿公文

布曾祖信可祖德永父雲心世積忠厚連姻士族娶文氏先

卒繼王氏徐氏子男五人長仲高其季人垂高皆先卒次即引

高次憑高次持高皆能世其家女子三人適士族孫男子十
四人慶榮回艾明會弘卒儀益本遵係全曾經曾孝蒙觀以
壽終之歲葬君子邑之仁壽鄉荷塘山之原銘曰

有偉蕭君世之通儒縱觀四方議其賢愚得所宜歸之死不
回從容進退鍾鼎若違蔬食之甘韋布之温天錫壽祉有賢
子孫得譽之真身後乃定盍視厥銘惟善無競

故奉政大夫大醫院使戴公墓誌銘 王汝玉

未樂乙酉冬十一月二十一日奉政大夫大醫院使戴公卒
於浦江故第其孫紹以丙戌年十二月十七日卜其鄉獨秀
山之岡奉襄事焉持前春官大宗伯鄭公沂狀不遠千里來
京師謁余請曰近故以來大夫之沒咸得乞銘於文章君子
述其潛德善行鐫之貞石或揭諸墓阡或瘞諸幽宅以貽永

久先祖考不幸大故而封塋之石未有其辭不肖之徒何

自道願先生哀而銘之余辭不容乃按狀敘次編銘公請思

恭出唐平南節度使銀青光祿大夫檢校太子少師書令諱昭

後至公歷廿有一世曾祖諱濤祖諱暉均諱暉皆隱居不仕

素以詩禮相承稱浦江望族公資篤敏讀書必先聖賢微言

奧義爲文若詩不尚浮藻務底有用於時暇日於星象堪輿

風鑑之術靡不旁推曲究尤精心軒岐書烏傷楚丹溪朱彥

脩氏得許文懿公道學正傳學醫于武林羅叔無盡得其秘

公先府君蚤從之游繼遣公往執弟子禮受業其間丹溪一

見輒奇之悉語公濂洛授受之懿及醫學諸家要訣以醫道

鳴浙東西洪武丙寅三月

皇上龍潛北京嘗患疾舉遣使

召公治療刻曰奏功

晉府親王邁未疾亦迎致公隨獲果驗厥後
晉府計聞

高皇帝馮怒王國臣僚悉建拜 京時公侍左右從容進白
昔者臣嘗受知於王飲臣之樂數矣然竊慮其膏梁之毒復
作也今乃果然

上於是釋然改容諸臣咸得不坐壬申七月

太祖高皇帝徵公入朝將屬領太醫院事公以老病辭授階
迪功郎職御醫值風雨免朝戊寅夏五月

高皇帝大漸公同列進藥不稱者皆麗于 遂指公謂侍臣
曰戴元禮仁義人也慎毋恐近臣聞于 遼肅王為書二

大字賜公 肅 慶二府咸為替詠朝野第卿錄儒播之篇
翰克物卷快也

皇上正天位超陞今官既就職後以耄不任事為請弗從

數四乃許之仍賜 誥命金帛致仕歸田里甲申冬十月復

命使者乘輅召公伏枕不起乙酉夏四月以安車入因公衰

病免行拜禮優臥官舍惟 特召乃進見是冬十月復請乞

骸骨 勅十五日吉治行俾禮部選官護送瀕行諭公曰

朕復召汝汝其來也公既抵家出賜金脩祀事遍召親故宴

飲為樂置榘葺拜丹溪墓載酒造邑中從所知敘平生歡用

昭 恩賜之隆甫旬餘疾作公自知不治將易箆召諸子姓

訓之積善守法具告以不能補報

聖恩為身後愧言已而逝享年八十有二卒之明年春二月

勅命行人翁綬諭祭于家

御製祭文褒獎至備具載 國史公歷事

兩朝藥餌所施奇効不可殫述金緡楮幣上尊珍饌駢蕃之
賜殆無虛月公平生亦誠慎寅畏未嘗少有過差是以遭逢
眷知終始一致自古迄今士之榮幸蔑以加焉蓋公之學出
於丹溪丹溪之學源深而本固非近世醫家者流所可比余
曩得其書讀之爰自易水張氏河間劉氏東垣李氏曠百載
沂而上焉極於素問靈樞宗旨推天人交合之理辯陰陽偏
勝之氣其識卓以明其說詳以密以故見之於用能起死回
生動若神助一洗拘方泥法之陋誠儒者格物致知之急務
也公以所得於丹溪者觸而伸之類而比之研精覃思明體
適用宜其遇病施治若矢發機必中正鵠彼不善爲射徒袖
手操弓莫知攸措焉公今已矣後之人能知丹溪之學者皆
公有以倡啓之也公娶諸暨楊氏生子男二曰儒曰嚴皆先
公卒孫男四孫女四其請銘者長孫也銘曰

二氣流幹天清地寧人於其間稟茲粹精苟或滯焉疢疾以
成學喪千載彼昏孰醒匪有先覺疇探其情金元之際群賢
迭興賁道三才窮玄洞冥後丹溪氏遺緒是承載闡微言大
宏厥聲公遊其門擷華萃英

皇皇聖世以醫自鳴際遇

兩朝不膺寵榮公雖已矣不死猶生垂範後學識是夷行濟
危扶殆有則有程獨山之原闕是泉高過者必式視此銘

墓誌銘

故奉議大夫浙江提刑按察僉事劉公墓誌銘

胡廣

國初廬陵諸君子仕於朝其聲光炳耀卓然為時所稱譽者
無慮數十人而劉公季道其一也公以明經被薦初拜起居
注遇事知無不言竭盡誠悃首發御史大夫陳寧奸深為
上所信重嘗隨 駕幸中都度清流關
上賦詩命百官和公獨先就有治定不教生縱逸功成猶遣
歷間關之句

上覽之曰有安不忘危之意賜白金二十兩綵段二端未幾
拜浙江提刑按察僉事決積歲治獄六百餘起有牽於文繫